

Fjölbrautaskóli Vesturlands (FVA), kt. 681178-0239, og mennta- og menningarmálaráðuneytið (ráðuneytið), kt. 460269-2969, gera með sér eftirfarandi skólasamning:

1. Tilgangur

Samningurinn er samkvæmt 2. mgr. 44. gr. laga um framhaldsskóla nr. 92/2008, með síðari breytingum.

Samningurinn er um það hvernig FVA uppfyllir lögbundið hlutverk, helstu áherslur og markmið í starfsemi skólans, námskrá, námsframboð, kennslufyrirkomulag, mat og eftirlit með gæðum og önnur mikilvæg atriði í starfseminni.

Samningurinn er jafnframt liður í áætlanagerð og eftirfylgni samkvæmt reglugerð nr. 1061/2004 um framkvæmd fjárlaga og ábyrgð á fjárreiðum ríkisstofnana.

Tilgangurinn er að stuðla að metnaðarfullri og markvissri framþróun skólans í þágu nemenda, með vandaðri stjórnun og virkum samskiptum samningsaðila.

Samningurinn hefur ekki áhrif á lagalegar skyldur, ábyrgð og heimildir aðila, svo sem yfirstjórnunarheimildir ráðherra.

2. Hlutverk og megináherslur


FVA er framhaldsskóli sem starfar samkvæmt lögum um framhaldsskóla nr. 92/2008, með síðari breytingum og reglugerðum sem settar eru með stoð í þeim. Hlutverk framhaldsskóla er tilgreint í 2. gr. laga nr. 92/2008 og skal starfsemi FVA þjóna því.

Stefna skólans er birt í skólanámskrá sem er á vefnum www.fva.is
http://www.fva.is/index.php?option=com_content&view=article&id=754#stefna_skolans

Þar er einnig gerð grein fyrir stjórn stofnunarinnar
http://www.fva.is/index.php?option=com_content&view=article&id=112&Itemid=469

Eftirfarandi skipurit lýsir stjórn á innra starfi skólans í stórum dráttum:

Skipurit Fjölbrautaskóla Vesturlands



Stefna FVA er að:

1. Veita öllum nemendum sínum góða menntun sem felur í sér þekkingu, leikni og hæfni í einstökum greinum, vísðsýni og gagnrýna hugsun, ábyrgð og sanngirni, vandvirkni og góð vinnubrögð.
2. Vera umhyggjusamur um velferð nemenda sinna og stuðla að heilbrigðum lífsháttum.
3. Bera virðingu fyrir hverjum einstaklingi og koma fram við alla í anda jafnréttis og lýðræðis.

Til að þessi markmið náist leggur skólinn áherslu á:

1. Að hver nemandi finni að velferð hans skipti máli, kennurum og stjórnendum skólans þyki mikilvægt að hann nýti og þroski hæfileika sína, vinni vel og nái góðum árangri.
2. Að bjóða nám á mörgum brautum, sem hæfir nemendum með misjafna getu, margvísleg áhugamál og ólíkar þarfir.
3. Að skólareglur stuðli að árangursríku námi, gagnkvæmri virðingu nemenda, kennara og annars starfsfólks og hvetji til góðrar umgengni, tillitssemi og umburðarlyndis.
4. Að kennarar veiti nemendum skýrar upplýsingar um námsmarkmið og námskröfur og hvetji alla nemendur til að leggja sig fram og velji viðfangsefni og kennsluáferðir sem stuðla að því að þeir nái skilgreindum markmiðum.
5. Grunnþætti menntunar sem lýst er í Aðalnámskrá framhaldsskóla 2011. Þeir eru: 1) læsi, 2) sköpun, 3) sjálfbærni, 4) heilbrigði og velferð, 5) jafnrétti, 6) lýðræði og mannréttindi. Fræðslu um þá er fléttað saman við kennslu margra námsgreina og fyrir hvern þeirra er boðið upp á einn eða fleiri áfanga þar sem hann er í fyrirrúmi. Jafnframt er leitast við að vekja bæði nemendur og starfsfólk til umhugsunar og samræðu um grunngildi skólastarfsins. Hér á eftir er því lýst í stuttu máli hvað fleira skólinn gerir til að starfa í anda þessara grunnþátta.

1. Læsi

Tungumálið er tæki til að hugsa og tjá sig og hæfni í notkun þess er meginmarkmið skólastarfs og menntunar. Læsi er mikilvægur hluti þessarar hæfni og felur í sér getu til að skilja og túlka texta, gögn og upplýsingar af ýmsu tagi. Við stuðlum að læsi með því að:

- Örva nemendur til að tjá sig í ræðu og riti og skapa aðstæður sem hvetja til lestrar.
- Auka orðaforða nemenda og fjölga hugtökum sem þeir hafa á valdi sínu.
- Efla skilning nemenda á fjölbreyttu námsefni og hæfni þeirra til að túlka það og setja í víðara samhengi.

2. Sköpun

Við stuðlum að sköpun með því að:

- Hvetja nemendur til að sjá nýjar og ólíkar hliðar á sama veruleika, sýna frumkvæði og áræðni og nýta þekkingu sína á frumlegan hátt.
- Flétta tjáningu og sjálfstæðri verkefnavinnu saman við nám.
- Veita nemendum tækifæri til skapandi starfs.

3. Sjálfbærni

Við stuðlum að sjálfbærum lífsháttum með því að:

- Hjálpa nemendum að sjá eigið líf í víðu samhengi, sem hluta af náttúru, menningu og sögu.
- Hvetja til hófsemi og nægjusemi.
- Hvetja nemendur til að láta sig varða um umhverfið og velferð komandi kynslóða.

4. Heilbrigði og velferð

Við stuðlum að heilbrigði og velferð. Þetta gerum við með því að:

- Hæfileikar nemenda njóti sín og þeim sé hrósað fyrir það sem þeir gera vel.
- Gefa öllum nemendum kost á ráðgjöf.
- Hvetja til heilbrigðra lífshátta og styðja uppbyggilegt félagslíf.
- Vinna gegn hegðun sem veldur vanlíðan eða heilsutjóni.

5. Jafnrétti

Við vinnum í anda jafnréttis. Þetta gerum við með því að:

- Gæta þess að allir eigi þess kost að nýta hæfileika sína án hamlandi áhrifa fordóma og staðalímýnda.
- Koma í veg fyrir ranglæti og mismunun þar á meðal einelti, kynferðislega áreitni og annað ofbeldi.
- Nota fjölbreytilegar kennsluáferðir til að mæta þörfum ólíkra nemenda.

6. Lýðræði og mannréttindi

Við vinnum í anda lýðræðis og mannréttinda. Þetta gerum við með því að:

- Skólastjórnendur hafi reglulega samráð við kjörna fulltrúa nemenda í skólaráði og aðalstjórn nemendafélagsins.
- Gæta þess að ákvarðanir um skólastarfið styðjist við málefnaleg rök og ástæður sem allir fá tækifæri til að gagnrýna og ræða.
- Hvetja alla nemendur til virkni í félagslífi, gefa þeim kost á að hafa áhrif á skólasamfélagið og gera þeim ljóst hvornig þeir geta gert það.
- Hvetja alla nemendur til að láta sig varða um almannahag, mannréttindi og málefni samfélagsins.

3. Viðfangsefni

FVA stuðlar að markvissri framþróun með útgáfu skólanámskrár, setningu námsbrautalýsinga og ástundun virks innra mats, samkvæmt lögum um framhaldsskóla. Jafnframt birtir skólinn á aðgengilegan hátt á vef sínum sem mest af mikilvægum upplýsingum um áherslur skólans, einkenni, starf innan hans og árangur af starfi.

a. Skólanámskrá og námsframboð

Upplýsingar um námsframboð og skipulag náms eru í skólanámskrá sem liggur frammi á vefnum www.fva.is

http://www.fva.is/index.php?option=com_content&view=article&id=857&Itemid=627

Skólinn hefur starfað að mestu eftir aðalnámskrá frá 1999/2004 og námsbrautir hafa verið í samræmi við ákvæði þeirrar námskrár. Frá hausti 2015 mun skólinn

hefja þriggja ára stúdentsnám í samræmi við aðalnámskrá frá 2011. Þær brautir eru enn óstaðfestar af ráðuneytinu. Eftifarandi upptalning lýsir námsframboði skólans:

Brautabré (BB): Braut fyrir nemendur sem ekki ná inntökuskilyrðum á þeim brautum sem þeir óska eftir.

Iðnnám: Grunnám bygginga- og mannvirkjagreina (GMB), Húsasmíði (HÚ8), Húsgagnasmíði (HS8), Grunnám rafiðngreina (GR), Rafvirkjun (RK8), Grunnám málmíðgreina (GM), Grunndeild bíliðna (GB), Vélvirkjun (VS8), Vélstjórn 1. stig (VV1).

Nám fyrir fatlaða: Starfsbraut (ST1 og ST3).

Nám til stúdentsprófs: Félagsfræðabraut (FÉ), Náttúrufræðabraut (NÁ), Opin stúdentsbraut (OS). Nám á opinni stúdentsbraut býður upp á fjögur svið: Listnámssvið, viðskipta- og hagfræðisvið, tungumálasvið og opið svið. Auk þess geta nemendur á bóknámsbrautum tekið afreksíþróttasvið samfara námi á brautunum. Viðbótarnám til stúdentsprófs eftir iðn- og starfsnám (VSS).

Starfstengdar námsbrautir aðrar en iðnbrautir: Sjúkraliðabraut (SJ).

Nám til iðnmeistaraprófs: Sérgreinar í vélstjóranámi 1. stigs og á sjúkraliðabraut eru í boði þegar þátttaka fæst.

b. Skólabragur

Upplýsingar um réttindi og skyldur nemenda, stuðning, ráðgjöf og þjónustu við nemendur, sjálfsmat og gæðamál og fleiri efni má finna í skólanámskrá sem liggur frammi á vefnum www.fva.is

http://www.fva.is/index.php?option=com_content&view=article&id=751&Itemid=517

http://www.fva.is/index.php?option=com_content&view=article&id=756#skolareglur

http://www.fva.is/index.php?option=com_content&view=article&id=107&Itemid=549

Þar má einnig finna jafnréttisáætlun skólans:

<http://www.fva.is/attachments/article/96/Jafnréttisáætlun%20FVA.pdf>

Upplýsingar um félagsmál nemenda, foreldraráð og samstarf skólans við foreldra og aðra hagsmunaaðila, öryggismál og viðbrögð við áföllum og einelti liggja frammi á sama vef

http://www.fva.is/index.php?option=com_content&view=article&id=420:felagsmal&catid=79:skolinn&Itemid=531

http://www.fva.is/index.php?option=com_content&view=article&id=418:foreldradh&catid=79:skolinn&Itemid=577

http://www.fva.is/index.php?option=com_content&view=article&id=757

http://www.fva.is/index.php?option=com_content&view=article&id=754#oryggisaetlun

http://www.fva.is/index.php?option=com_content&view=article&id=754#afallaaetlun

Á vef skólans eru einnig upplýsingar um bókasafn, mötuneyti, heimavist o.fl.
http://www.fva.is/index.php?option=com_content&view=article&id=125:bokasafn&catid=80:thjonusta&Itemid=512
http://www.fva.is/index.php?option=com_content&view=article&id=111:moetuneyti&catid=80:thjonusta&Itemid=513
http://www.fva.is/index.php?option=com_content&view=article&id=110&Itemid=514

c. Innritun og brotthvarf

Skólinn tekur við öllum umsækjendum undir 18 ára aldri sem æskja inngöngu og öðrum upp að því marki sem fjárheimildir og húsrúm leyfa. Undanfarið hefur ekki þurft að vísa nema örfáum umsækjendum frá og þeir hafa verið fullorðnir umsækjendur.

Inntökuskilyrði á námsbrautir eru tilgreind í skólanámskrá. Þau eru:

Nemandi sem innritast á iðnbraut eða aðra starfstengda námsbraut skal hafa lokið námi samkvæmt aðalnámskrá grunnskóla og útskrifast með einkunn 5 eða hærrí í íslensku og stærðfræði. Nemandi sem ekki uppfyllir þessi skilyrði getur öðlast rétt til að hefja nám á starfsnámsbrautum með því að ljúka fyrst brautabré við skólann. Á sumum starfsnámsbrautum er aðeins unnt að taka við takmörkuðum nemendafjölda. Ef ekki er hægt að veita inngöngu öllum umsækjendum sem uppfylla ofangreind inntökuskilyrði þá er höfð hliðsjón af einkunn fyrir ástundun eða skólasókn og námsárangur í öðrum greinum þar sem það á við, þegar valið er milli umsækjenda.

Nemandi sem innritast í bóknám til stúdentsprófs skal hafa lokið námi samkvæmt aðalnámskrá grunnskóla og útskrifast með einkunnir sem eru að lágmarki 5 í íslensku og stærðfræði. Nemandi sem ekki uppfyllir inntökuskilyrði á bóknámsbrautir til stúdentsprófs getur öðlast rétt til að hefja nám á þeim með því að ljúka fyrst brautabré við skólann.

Ekki eru formleg inntökuskilyrði í viðbótarnám til stúdentsprófs eftir starfsnám.

Upplýsingar um innritunarreglur eru birtar á vefnum www.fva.is
http://www.fva.is/index.php?option=com_content&view=article&id=755#innritun_nem_og_inntokuskilyrði

Brotthvarf á vorönn 2014 var 6,0% eininga (og 6,3% einingaígilda). Á vorönn 2014 voru nemendur að meðaltali skráðir í 16,1 einingar og náðu að meðaltali að ljúka 13,8 einingum með fullnægjandi árangri. Meðaleinkunn í skólanum var 6,3.

Brotthvarf á haustönn 2014 var 4,4% eininga (og 4,5% einingaígilda). Á haustönn 2014 voru nemendur að meðaltali skráðir í 15,2 einingar og náðu að meðaltali að ljúka 13 einingum með fullnægjandi árangri. Meðaleinkunn í skólanum var 6,9.

http://www.fva.is/images/innramat/2014vor_lokatlur_fall_ofl.pdf

http://www.fva.is/images/innramat/2014haust_lokatolur_fall_ofl.pdf

d. Kennslufyrirkomulag

Upplýsingar um kennslufyrirkomulag hvers áfanga eru í kennsluáætlunum sem

birtar eru á vefnum www.fva.is
http://pluto.fva.is/kennsluaetlun/kerf_kennsl_listi_opid.php

Boðið er upp á kennslu utan hefðbundins vinnutíma fyrir fullorðna nemendur í starfstengdu námi. Á vorönn 2015 er slík kennsla í áföngum á sjúkraliðabraut, námsbraut í húsasmíði og námsbraut í vélvirkjun.

Kennsla fyrir unglunga og aðra sem sækja skólann á dagvinnutíma fer fram í kennslustofum og er eftir atvikum sambland af innlögn frá kennara og verkefnavinnu af ýmsu tagi.

e. Nemendur með sérþarfir

FVA leggur áherslu á að taka við öllum unglingum af svæðinu óháð því hvort þeir búa við fötlun eða hafa sérþarfir sem taka þarf tillit til. Við skólann er starfsbraut fyrir fatlaða nemendur. Kennsla á starfsbraut er löguð að þörfum hvers og eins nemanda.

Skólinn býður, eftir því sem fjárhagur hans leyfir, upp á stuðningskennslu fyrir nemendur með námserfiðleika. Hann býður einnig upp á íslenskukennslu fyrir nemendur sem eiga annað móðurmál.

f. Mat og eftirlit með gæðum

Í skólanámskrá sem liggur frammi á vefnum www.fva.is

http://www.fva.is/index.php?option=com_content&view=article&id=754#innramat er stutt greinargerð um mat á starfi skólans. Ítarleg gögn um innra mat liggja frammi á sama vef

http://www.fva.is/index.php?option=com_content&view=article&id=407&Itemid=573

Ytra mat á skólanum var unnið af Trausta Þorsteinssyni og Braga Guðmundssyni á vorönn 2012. Skýrsla þeirra liggur frammi á vef mennta- og menningarmálaráðuneytisins ásamt viðbrögðum skólameistara við henni

http://www.fva.is/attachments/article/407/uttekt_a_FVA_2012.pdf

http://www.fva.is/attachments/article/407/Vidbrogd_vid_tillogum_i_skyrslu_um_uttekt_a_Fjolbrautaskola_Vesturlands.pdf

4. Sérstök rekstrarverkefni

Skólinn rekur heimavist með 32 tveggja manna herbergjum.

5. Markmið og tímabundin verkefni

Í viðauka með samningi þessum eru talin upp markmið skólans til næstu ára og einnig gerð grein fyrir tímabundnum verkefnum sem unnið er að í þágu einstakra markmiða.

6. Samskipti

Í samræmi við 44. laga um framhaldsskóla nr. 92/2008, með síðari breytingum, fara samningsaðilar árlega yfir framkvæmd þessa samnings með áherslu á viðauka sem vísað er til í 5. grein. Ráðuneytið boðar reglulega fundi um samninginn þar sem einnig er farið almennt yfir starfsemi og rekstur FVA. Báðir aðilar geta óskað eftir fundum um einstök mál.

Reglubundin upplýsingamiðlun og umfjöllunarefni vegna samskipta:

a. Fjölbrautaskóli Vesturlands

- Birtir skólasamning þennan og viðauka við hann á aðgengilegum stað á vef sínum.
- Birtir upplýsingar um innra mat á starfi skólans skv. 3. gr. reglugerðar um innra mat og eftirlit í framhaldsskólum nr. 700/2010 og skilar ráðuneytinu upplýsingum um innra mat á næstliðnu (skóla)ári.
- Birtir á vef sínum skýrslur um ytra mat á skólanum, m.a. það sem fram fer skv. 4. gr. reglugerðar nr. 700/2010.
- Skilar ráðuneytinu ársskýrslu fyrir liðið ár skv. 7. gr. reglugerðar 1061/2004 um framkvæmd fjárlaga og birtir hana á vef sínum.
- Skilar ráðuneytinu greinagerð um tímabundin verkefni, samkvæmt nánari ákvörðun ráðuneytis.
- Próar námsbrautarlýsingar og skráir í miðlægan námskrárgrunn og sækir um staðfestingu ráðuneytis á þeim skv. 23. gr. laga um framhaldsskóla.
- Skilar áætlunum og upplýsingum um fjármál í samræmi við reglugerð um framkvæmd fjárlaga nr. 1061/2004 og eftir því sem nánar er ákveðið.
- Skilar ráðuneytinu upplýsingum vegna fjárlagagerðar að ósk þess.
- Gætir þess að fjárhagsbókhald skólans sýni rétta fjárhagsstöðu á hverjum tíma.
- Gætir þess að rekstrarútgjöld séu í samræmi við samþykkt áætlun í lok hvers tímabils innan ársins og skýri ráðuneytinu tafarlaust frá ástæðum frávíka og um viðbrögð við þeim sbr. 12. og 15. gr. reglugerðar nr. 1061/2004 um framkvæmd fjárlaga.

b. Mennta- og menningarmálaráðuneytið

- Yfirfer skýrslur um innra og ytra mat á starfi skólans, ársskýrslur og aðrar upplýsingar sem því berast um skólastarfið.
- Birtir á vef sínum skólasamning þennan og viðauka við hann.
- Birtir á vef sínum skýrslur um ytra mat á skólanum, m.a. það sem fer fram skv. 4. gr. reglugerðar nr. 700/2010.
- Getur birt ársskýrslur skólans á vef sínum sem og aðrar upplýsingar sem erindi eiga við almenning.
- Ákveður framhald tímabundinna verkefna og öðlast rétt til notkunar niðurstaðna.
- Staðfestir námsbrautir sem uppfylla skilyrði.
- Byggir tillögur til fjármálaráðuneytis, um framlag til skólans í fjárlögum, á reiknireglum skv. 43. gr. laga um framhaldsskóla (sem m.a. taka mið af spá um ársnemendafjölda), og umfangi markmiða og sérstakra verkefna. Endurmetur framlag með tilliti til rauntalna.
- Annast formleg samskipti við Alþingi vegna fjárlagagerðar.

7. Gildistími og endurskoðun

Samningurinn gildir frá 1. janúar 2015 til 31. desember 2019.

Hvor samningsaðili fyrir sig getur hvenær sem er óskað eftir endurskoðun á samningnum í heild eða einstökum köflum hans.

Samningurinn er gerður í tveimur samhljóða eintökum og heldur hvor samningsaðili sínu eintaki.

Staður og dagsetning

Mennta- og menningarmálaráðherra

Skólameistari